

Ufficio Stampa della Provincia autonoma di Trento
Piazza Dante 15, 38122 Trento
Tel. 0461 494614 - Fax 0461 494615
uff.stampa@provincia.tn.it

COMUNICATO n. 60 del 13/01/2026

Coi 15 de jené i doi ambulatories de ASUIT i sarà endò operatives

I Zentres traumatologics de Sèn Jan e Madonna di Campiglio i vegnarà endò averc

[Ladino] Coi 15 de jené i ambulatories ortopedics e traumatologics de Sèn Jan e Madonna de Campiglio i vegnarà endò averc. L é stat troà i infermieries che l é debeseegn per stèr apede ai dotores spezialistics, tecnicos de radiologia e personal aministratif che i consent coscita l completament del organich di ambulatories per esser operatives, aldò di standard domané. L obietif l é chel de arseguirèr n intervent vertech e vejìn a chi che pel se fèr del mèl sui portoes da schi. L ambulatorie traumatologich de Sèn Jan l sarà ence n pont de referiment sanitàr de valuta per Fascia endèna l temp di Jeghes olimpics Milan-Cortina.

Te la doi strutures, gestides da l'Azienda sanitàra universitàra integrèda del Trentin, sarà operatives dotores spezialisé te ortopedia e traumatologia, con apede infermieries, tecnicos de radiologia e personal aministratif, col obietif de arseguirèr n pont de referiment sanitàr publich per l tratament de chela sort de traumatologia che no l'à na urjenza da vegnir tratèda te ospedèl. I Zentres traumatologics i sarà averc duc i dis e i lurarà en sinergia respetivamente co l'Unità operativa de ortopedia del ospedèl de Ciavaleis e con chela del ospedèl de Tione. Chi che à debeseegn i podarà se oujer diretamente, senza besegn de impegnativa, demò co la tessera sanitàra.

Zenter traumatologich ortopedich de Sèn Jan - San Giovanni di Fassa – str. di Pré De Gejia 4. Telefon: 0462 761025. L ambulatorie l sarà avert da les 10 a les 19, duc i dis ence festa e vea, dai 15 de jené enscin a la fin de la sajón.

Zenter traumatologich ortopedich de Madonna di Campiglio – viale Dolomiti di Brenta 158/ter, località Colarin. Telefono: 0465 331580 L ambulatorie l sarà avert da les 10 a les 18, duc i dis ence festa e vea, dai 15 de jené enscin a la fin de la sajón.

Traduzion di Servijes Linguistics e Culturèi del Comun general de Fascia

(cdt)